

TITO

Paulo Ovoli Kĩ Etsɛɛ ɛma Tito

¹ Ovoli kīi to yī, Paulo, kī ĩnyɛ Baguma ɔsumunɛ, mɔ Yesu Kristo foto ɔnyanɛ sɛkẽ. Baguma pau yī ade edo yī kī mbumena bati a kī epau a, ntsa be ɔnɔkɔali a kī boe katekado ɔsum atsa a.

² Ade ɔnɔkɔali kale ne nkpā kī elá kawūna a akū a. Baguma kī yaáma fovā a mɔawɛ lɛma boe kale a kī ekɛna eyi fɔmɔ ekɛna katinya kame a.

³ Ne lɔko a kī epau eyi akū a, enyɛ ye Kale Wī a kanya ne ye kale a kī mabi mi ne awī a kame. Bekɔa fukīi bido ne yī awe kī nde letsā ne foe akū ne Baguma boe ɔtɛnɛ dī akū.

⁴ Yī obi wī Tito, matsɛɛ nɔ ovoli kīi, kitonekī bɔnyɛ ɔmɔa ne boe katekado a kame. Boe ɔlɛga Baguma mɔ Kristo Yesu boe ɔtɛnɛ, bɛmɔ nɔ kɔnya, bekpa nɔ lukudɔ lɛmɛ.

Paulo Kpa Tito Adzuma Adi Ne Kreta.

⁵ Nkɔa nɔ ndzina ne Kreta ayekī aalɔla fɔtsa a kī fute a kakɛna. Mawɛ kī pau asɔli banɔkɔẽ ne ɔmatɔ odi nyɛ odi kame nde ayekī ntsa nɔ a.

⁶ Ketáne kī bamɔ mfumsu ne bate badonɛ ɔnɔkɔẽ akū. Kenɛ kī enya ɔti kī ekɔā ɔtsɔ mɔapɛ, ade kenɛ kī ye babi lɛmɛ bɛnya bate badonɛ, bɛtanya bati kī bideī atɔ ɔsī ĩye baábu fɔko.

⁷ Ne ayekī asɔli bate badonɛ lɔtɔ ɔnyanɛ adā Baguma adzuma akū sū ni, ketáne kī bɛmɔ mfumsu ne ye akū. Ketáne kī yata akū, ĩye ekana kalɔkpa mɔatɛ mɔatɛ, ĩye ekamɔa bave

kawuga, ãye enya oti kã yadã kitikiti, ãye eyoola ane ne sika akũ.

⁸ Kene kã epuli ete banovoẽ, ewe letsa kã lenene, epi ye akũ kapi wĩ. Kene kã enya oti kã edeĩ obla wĩ, kã efĩ lelãa ye akũ ade yapuli kanya ye akũ leme a.

⁹ Kene kã yapi onokwali kale a kã bote budo a, kã fuketi mo fotsa katsa a ele. Ade osi kã akũ yaatsã epuli etsa fotsa wĩ, ekado bati bebã kobẽ, lokoa enye bikĩ biyidza bedza ne kale a akũ nfumusu etsa be.

¹⁰ Male fukĩ kitonekĩ bati pii, titiliwu Yudafo a kã bete bido a, deĩ ato osĩ, betsẽ bale tuwuli pupulidza, kake bati leme.

¹¹ Kene kã asua be osi befõ foe odu katsa, kitonekĩ belamena bati adzuni kade kabula ne be katekado kame. Betsẽmo fotsa kpa kã ketáfeta kã betsa a katsa, ne sika fuu sũ.

¹² Kretani odi kã enye be onukpẽ onyene lele kã, “Kretafõ nye bavãlevã bati daa, bayae kpa kã bideĩ ablo, banyakpane mo banyonepo leme.”

¹³ Foletsa a kã ele a nye onokwali. Ne foesũ kã be ane mo osĩ mo osĩ ayekĩ baana katekado kã kideĩ osĩ.

¹⁴ Fukĩ aafõ benye ato ne Yudafo foletsa mewa mo mbla a kã bikĩ bisĩ kale wĩ a atsa a.

¹⁵ Letsa nye letsa adã yedede kakpa bikĩ be moawe towole kame kpale, leme bikĩ be moawe akũ tákpale, kã betáte bido leme ni, letsama ládã yedede kakpa be, kitonekĩ be adzuni mo towole kame tákpale.

¹⁶ Bati kã odu aboa owole kã binyina Baguma leme be fokelatsa atsa kã bisĩ ye. Benye bati kã be

akū deĩ libe, kī baábu foko ade betáfeta bekpa letsa wĩ lidima kakena a.

2

Tsa Katekado a Ne Osi Wĩ Akū.

¹ Lemε no kō ni, tsa fotsa a kī fuketimo katekado fotsa katsa wĩ a.

² Tsa banyolenokoē a kī bidzi mo anε yedede ne kadikanyi mo be akū kapi wĩ kame. Benya bati kī bedzē pintii ne be katekado kame, bati kī bideĩ bati akū odo mo bikĩ bado owole.

³ Ade ayea batsole banokoē a lemε ni, tsa be kī bidzi nkpā kī efeta batsole kī be akū kpale. Ketáne kī banye bati buĩ, ĩye bekawuga have, mbom kene kī betsa bati letsa kī lenene,

⁴ betsa bayitsō kī bidzi fonyo ayekĩ baawe be banyo mo be babi kale.

⁵ Kene kī binyi ayekĩ bapi be akū, bekena be akū ekpale lokoá benya batsō wĩ kī badola be akū kakpa be banyo. Fukĩ aafō odima leláale tuwuli kpa ne Baguma kale a akū.

⁶ Ade osi moape a akū atsā ode bapopo lemε benya be akū akū a.

⁷ Ne foe flee kame a, kene kī no moawe a anya oti kī ye obla wĩ bati akole. Koa anε ovio katsa fotsa ne onokoali kame.

⁸ Bi bati tuwuli ne osi kpĩ akū ayekĩ beláanye no nfumusu. Fukĩ aafō konyoã liwo no bakesine ne ayekĩ belána letsa kpa bele ne boe akū sũ.

⁹ Bati kī basum badi ni, bedola be akū bekpa be balate, bekena fotsa a kī fawo balate a anε. Ketáne kī bakpa onukpē bekpa be.

¹⁰ Kεtάνε kī baye be λεμε, mbom βετσα be akū kī benye bati wī, ade badi τνοκoali kī baapuli βετε be bido a. Fukīī aafō βεkoa obu βεkpa boe fotsa katsa ne Baguma boe Otene a akū.

¹¹ Kitonekī Baguma nye ye konyakamo a kī edeī ekpa katinya kame bati nkpā kate a etsa.

¹² Konyakamo kīī atsa boe kī bōfone nkpā kpa kadzi mo katinya kame fotsa kpa liti katomena awe. Kene kī boadzi nkpā kī bóanya boe akū, budzi nkpā wī ne katinya kīī kame.

¹³ Ade osi kīī akū bóatsā bokadzole Luwi kpale a kī boadā ane a. Ade luwi kīī akū mo boe Baguma Kpale, mo boe Otene Yesu Kristo aane ne kukūkpale kame a.

¹⁴ Ekoa ye akū ekpa ne boe lolō kī yanye boe etomena tokpa flee kame, ekena boe bati kpalewa kī benye ye odi bade a kī boawe kī bakakena tuwī.

¹⁵ Tsa fotsa kīī bame mo kobē a kī Baguma kpa no, kado bikī batse no a kobē. Kā bikī bitómo osi kīī akū a ane. Tafō be kame odima lemō no nde oti kī etákpola.

3

Kaakena Tuwī Kī Taana Nfaso Tekpa Bati Flee.

¹ Te be ane kī bedola be akū βεkpa abāā mo bati a kī banya be akū a, bitse be kale, bena ne kukūmane kame βekena tuwī ne osi nye osi akū.

² Bi be kī betale tokpa ne odima akū, mbom bidzi ne lukudo mo tokoba kakena kame. Bekaakoa obu kakpa odi nye odi.

³ Kitonekī kōkoe a, boe moawe malo bokena fokōasiatsa mo ato osī, ade boyela osi wī a. Kōkoe

lemε a sukεna fowetsa kpa mɔ kawɔlekamɔ futefute nya boe akũ. Bɔkɔa boe lɔkɔ bɔkpa fɔtsa kpa kakεna mɔ anε kayɔɔla. Bati badi kesĩ boe ade boe malo bukesĩ be a.

⁴ Lemε kĩ Baguma boe Ɔtenε nye ye sεmε kalε mɔ kawε etsa boe a ni,

⁵ εte boe nkpã. Nnέ boe tuwĩ a kĩ bɔkεna sũ, mbom ye mɔawε kɔnyakamɔ sũ εte boe. Efɔ̃ Hũhũ Kpalεwa yako nε boe akũ, εlɔla boe kama, εwɔla boe mui ade εkpa boe nkpã vɔɛ a.

⁶ Baguma tsã Yesu Kristo boe Ɔtenε akũ εkɔa ye Hũhũ Kpalεwa kɔbɛ̃ pii a eko nε boe akũ,

⁷ ayekĩ nε ye sεmε kalε sũ bɔmɔ ye kayite kelε, lɔkɔa boe malo bɔna nkpã kĩ εlá kawũna a, kĩ ye akũ lemε budeĩ kɔnεte a.

⁸ Kalε kũ nyε ɔnɔkɔali paa.

Mawε kĩ le kasisa fɔletsã kũ bame ayekĩ bikĩ bεte Baguma bido a aakɔa be lɔkɔ bεkpa tuwĩ kakεna kĩ fudeĩ nfasɔ fɔkpa odi nye odi.

⁹ Tado onukpɛ̃ nε fɔkɔasiatsã kavele kame, nε bati kasinu katokɔ̃ kakã akũ. Tawε sɔwa ɔkεna ɔdze ãye ɔte atsindze nε Yudafo mbla a akũ. Foe flee folá nfasɔ adima.

¹⁰ Nte oti odi ayamena kasɛ̃ nε bati kame ni, sua ye osi deedi ãye titi nviã. Nε ke liti a, tabuki odo ye onukpɛ̃.

¹¹ Nyi kĩ oti a na odu ni, tɔkpa nya ye kamekame ade ye titikpa aakɔ ye kɔtɔ a.

Kɔde Nkaε Kakpa Mɔ Kakla.

¹² Nte ndo Artema ãye Tihiko nε nɔ sekɛ̃ ni, bɔa mbodi kayawo yĩ sekɛ̃ nε Nikopoli, kitonεkĩ ade awã mawε kĩ maadzi nε osili lɔkɔ a.

¹³ Bɔa mbɔdi kanyɛ Sena kɔ̃ enyɛ fɔletsɔ ɔdzɛnɛ a mɔ Apolo osi benaa be osi akũ. Dã kɔ̃ bena letsɔ nyɛ letsɔ a kɔ̃ laasɔ̃ be.

¹⁴ Kɛnɛ kɔ̃ batɛ badonɛ a bɛkɔlɛ ayekɔ̃ baakɔa be lɔkɔ flee bɛkpa tudzuma wɔ̃ kakɛna, kɔ̃ baapuli bɛkabumɔ bati bebã lɛmɛ. Bɛtadzi nkpã kɔ̃ elá nfasɔ.

¹⁵ Bati flee a kɔ̃ bideĩ nɛ yĩ sekẽ nɛ awĩ a awõna nɔ! Wõna batɛ badonɛ a kɔ̃ bideĩ nɛ awã kakpa boe.

Baguma emɔ mi flee kɔnya.

Tuwuli

Tuwuli: Baguma Apam Vɔɔ a Tuwuli New Testament

copyright © 2008 Wycliffe Bible Translators, Inc.

Language: Tuwuli

Contributor: Wycliffe Bible Translators, Inc.

All rights reserved.

2025-04-29

PDF generated using Haiola and XeLaTeX on 28 Apr 2025 from source files dated 29 Apr 2025

68df0193-2981-5275-8994-8f743fe01e5e